



中興以來絕妙詞選卷之十

宋詞

劉圻父

名子寰號篁嶸翁居麻沙早登朱文公之門後村嘗序其詩行于世

齊天樂 壽史滄洲

雅歌堂下新堤路柳外行人相語碧藕開花金桃結
子三見使君初度樓臺北渚似画出西湖水雲深處
綵鷁雙飛水亭開宴近重午○溪蒲堪薦綠醕幔亭
何惜為曾孫留住碧水吟哦滄洲夢想未放舟橫野
渡維申及甫正夾輔中興擎天作柱願祝嵩高歲添

長命縷

花發沁園春 呈史滄洲

換譜伊涼選歌燕趙一番樂事重起花新笑屬柳軟
纖腰濟楚衆芳圍裏年二佳會長是傍清明天氣正
魏紫衣染天香蜀粧紅破春睡○一簇猩羅鳳翠遍
東園西城點檢芳事鈴絲吏散畫館人稀幾闕管絃
清脆人生適意流轉共風光遊戲到遇景取次成歡
恣教良夜休醉

玉樓春題小竿嶺

今來古往吳京道歲二榮枯原上草行人幾度到江

濱不覓身隨風樹老○蒲花易晚蘆花早客裏光陰
如過鳥一般垂柳短長亭去路不如歸路好

沁園春 西岩三澗

雲壑泉泓小者如盃大者如罌更石筵平瑩寬容數
客淙流回激環遶飛觥三澗交流兩崖懸瀑擣雪飛
霜落翠屏經行處有丹萸碧草古木蒼藤○裴回却
倚山楹笑山水娛人若有情見傍回側轉峰峦疊二
欲窮還有岩谷層二仰視雲間茅茨雞犬疑有仙家
來避秦青林表望煙霞縹緲隱二鷲峯

賀新郎登玉田峯

拄杖凌高絕望千山隱。波瀾動搖天末下有白雲
平遠壑湧起潮頭噴雪浸絕島孤峯出沒赤縣神州
何處是但風煙杳。迷空闊呼不見古人物。碧松
枝下青瑤石舉頭看長空湛。淡琉璃色上界星辰
多官府夸父忙鞭日月任兔走烏飛超忽宇宙茫。
如許大百年間何用爭優劣身世事一毛髮

滿江紅 風泉峽觀泉

雲壑飛泉蒲根下懸流陸續堪愛處石池湛。一方
寒玉暑際直當磐石坐渴來自引懸瓢掬聽冷。清
響瀉淙瑋勝絲竹。寒照膽消炎燠清徹骨無塵俗
笑幽人忻翫滯留空谷靜坐時看松鼠飲醉眠不礙
山禽浴喚仙人伴我酌瓊瑤餐秋菊

霜天曉角 春愁

橫陰漠。似覓羅衣薄。正是海棠時候紗窓外東風
惡。惜春。寂寞尋花。冷落不會這些情味元不
是念離索

洞仙歌 寄劉令君潛夫

風饜雨足也解為花地收拾浮雲放新霽愛調亭小
翠點滴猩紅新粧了妃子朝來睡起。遙知春有主
整頓歡娛興在新亭錦圍底便選歌燕趙授簡鄒枚

吳君特
須記作它日城山盛事笑東君不用管楊花任飛去
天涯在東風裏

吳君特

名文英自號夢窓四明人從吳履巽諸
公遊山陰尹煥叙其詞畧曰求詞於吾

宋者前有清真後有夢窓此非煥之言四海之
公言也

聲二慢閨重九飲郭園

檀栾金碧婀娜蓬萊游雲不蘸芳洲露柳霜蓮十分
點綴秋新弯画眉未穩似含羞低度墻頭秋送遠
駐西臺車馬共惜臨流○知道池亭多宴掩庭花長

是驚落秦謳膩粉闌干猶聞凭袖香留輸他翠漣拍
甃瞰新粧終日凝眸簾半捲帶黃花人在小樓

倦尋芳 餞周糾定夫

暮帆挂兩水岸飛梅春思零亂送客將歸偏是故宮
離苑醉酒曾同涼月舞尋芳還隔紅塵面去難留悵
夫容路窄綠楊天遠○便繫馬鶯邊清曉煙草晴花
沙潤香軟爛錦年華誰念故人遊倦寒食相思隄上
路行雲應在孤山畔寄新吟莫空回五湖春鴈

絳都春 為清華內子壽

香深霧暖正人在錦瑟年華深院舊日漢宮分得紅

蘭滋吳苑臨池羞落梅花片弄水月初勻妝面紫煙
籠處雙鷺共跨洞簫低按○歌筵紅圍翠袖凍雲外
似覓東風先轉繡畔晝遲花底天寬春無限仙郎驕
馬瓊林宴待捲上珠簾教看更傳鶯入新年寶釵夢
燕

唐多令 惜別

何處合成愁離人心上秋縱芭蕉不雨也颼
都道
晚涼天氣好有明月怕登樓○年事夢中休花空煙
水流燕辭歸客尚淹留垂柳不縈裙帶住謾長是繫
行舟

法曲獻仙音 和丁安庵韻

落葉霞翻敗窓風咽暮色淒涼深院瘦不閑秋淚緣
生別情銷鬢霜千點悵翠冷搔頭燕那能語恩怨○
紫簫遠記桃枝向隨春渡愁未洗鉛水又將恨染粉
縞澁離箱忍重拈燈夜裁剪望極藍橋綵雲飛羅扇
歌斷料鶯籠玉鑠夢裏隔花時見

好事近 秋飲

鴈外雨絲將恨和愁都織玉骨西風添瘦減尊前
歌力○袖香曾枕醉紅腮依約唾痕碧花下凌波入
夢引春雛雙鸂

憶舊遊 別黃澹翁

送人猶未苦 送春隨人去 天涯片紅都飛盡 陰
潤綠暗裏啼鴉賦情頓雪雙鬢飛夢逐塵沙歎病渴
淒涼分香瘦減兩地看花○西湖断桥路想繫馬垂
楊依舊歌斜葵麥迷煙處問離巢孤燕飛過誰家故
人爲寫深怨空壁掃秋蛇但醉上吳臺殘陽草色歸
思賒

宴清都

病渴文園久梨花月夢殘春故人舊愁彈枕雨襄翻
帽雪爲情僂倦千金醉躍驕驄試問取朱橋翠柳痛
恨不買斷斜陽西湖醞入春酒○吳宮亂水斜煙留
連倦客慵更回首幽蛩韻苦哀鴻叫絕斷音難偶題
紅汎葉零亂想夜冷江楓暗瘦付與誰一半悲秋行
雲在否

金縷歌

陪履齋先生滄浪看梅

喬木生雲氣訪中興英雄陳迹暗追前事戰艦東風
慳借便夢斷神州故里旋小築吳宮閑地華表月明
歸夜鶴歎當時花竹今如此枝上露濺清淚○遨頭
小簇行春隊步蒼苔尋幽別塢看梅開未重唱梅邊
新度曲催發寒梢凍蘂此心與東君同意後不如今

今非昔兩無言相對滄浪水懷此恨寄殘醉

陳敬叟

名以莊號月溪建安人

水龍吟記錢塘之恨

晚來江闊潮平越船吳榜催人去稽山滴翠胥濤濺
恨一襟離緒訪柳章臺問桃仙浦物華如故向秋娘
渡口秦娘橋畔依稀是相逢處○窈窕青門紫曲舊
羅新衣翻金縷舊音恍記輕攏慢撚哀絃危柱金屋
難成阿嬌已遠不堪春暮聽一聲杜宇紅殷綠老雨
花風絮

賀新郎和劉潛夫韻

曉夢鶯呼起便安排詩家厨傳酒家行李點檢花邊
新雨露春在萬家生齒道官似錦溪清駛但使有人
耕綠野正不妨鼓吹頻來此方覓句且俟○画橋
西畔多春意記年二曾來幾度落花流水行到水窮
雲起處依約輞川竹里興未屬王孫公子料想明年
端門裏有傳柑宴罷黃封醉肯回首萬杉底

馮熙之

名取洽號双溪翁延平人

摸魚兒和玉林韻蓋為遺蛻山中桃花作

歎劉郎船回輕別霏_二三落紅兩玄都觀裏應遺恨
一抹淡煙殘縷愁望處想霧暗雲深忘却來時路新
花舊主記刻羽流商裁紅剪翠山徑日將暮○空枝
上時有幽禽對語聲_二如問來不入生行樂須聞健
衰老念誰免此吾所與在谿上深_二錦綉千花塢何
時定去但對酒思君呼兒爲我頻唱小桃句

賀新郎送別江定軒

夢折營門柳送君歸整戲斑衣又攏征袖到得皇州
風景異只有湖山似舊把感慨寓之杯酒兩抹晴粧
西子樣且平章剩賦詩千首富與貴本來有○青油

幕底籌攻守擁貔貅朝氣凌雲夜鋒衝斗蜀祲淮氛
猶在眼一掃政須健帚又何惜驅馳奔走快展鞞鈴
資世用看歸來金印懸雙肘傾玉笋爲親壽

沁園春中和節日爲黃玉林壽

稟氣之中具聖之和生逢令辰算三春中月方纔破
二百年大齊_{去聲}恰則平分立玉林深散花菴小中
有脩然自在身詩何似_二蘇州間遠庾府清新○青
鞵布鞵烏巾試勇往蓉谿一問津有心香一瓣心聲
一闕更携阿艾同壽靈椿劫_二長存生_二不息靈極
深根秋又春聊添我作_{去聲}風流二老歲_二尋盟

西江月 太歲日作

老子齊頭六十新年第一今朝放開懷抱不須焦萬
事付之一笑○煙柳效顰翠斂露桃獻笑紅妖已拚
行樂到元宵尚可追隨年少

蝶戀花 和玉林韻

秋到雙溪^二上樹葉^二涼聲未省來何許盡拓溪樓
窓與戶倚欄清夜窺河鼓那得吟朋同此住獨對秋
芳欲寄花無處杖屨相從曾有語未來先自愁君去

馮偉壽

名艾子號雲月双溪子
精於律呂詞多自製腔

玉連環 憶李謫仙

謫仙往矣問當年飲中儔侶于今誰在歎沈香醉夢
胡塵日月流浪錦袍宮帶高吟三峽動舞劍九州隘
玉皇歸覲半空遺下詩囊酒珮○雲月仰挹清芬攬
虬鬚尚友千載晉宋顏波羲黃春夢罇前一嘅待相
將共躡龍肩鯨背海山何處五雲變^二

春風裊娜春恨 黃鍾羽

被梁間雙燕話盡春愁朝粉謝午花柔倚紅欄故與
蝶圍蜂遶柳綿無數飛上搔頭鳳管聲圓蚕房香煖
笑挽羅衫湏少留隔院蘭馨趁風遠鄰牆桃影伴煙

收○些子風情未減眉頭眼尾萬千事欲說還休
薔露牡丹毬殷勤記省前度綢繆夢裏飛紅
覓望中新綠別後空稠相思難偶歎無情明月今年
已是三度如鉤

春雲怨上巳 黃鍾商

春風惡劣把數枝香錦和鶯吹折雨重柳腰嬌困燕
子欲扶二不得軟日烘烟乾風收霧芍藥荼蘼弄顏
色簾幕輕陰圖書清潤日永篆香絕○盈二笑靨宮
黃額試紅鸞小扇丁香雙結團鳳眉心倩郎貼教洗
金罍共看西堂醉花新月曲水成空
嚴人何處往事

暮雲萬葉

雲僊引桂花 夾鍾羽

紫鳳臺高紅鸞鏡裏翻二幾度秋馨黃金重綠雲輕
丹砂鬢邊滴粟翠葉玲瓏烟剪成含笑出簾月香滿
袖天霧縈身○年時花下逢迎有遊女翩二如五雲
亂擲芳英爲簪斜朶事二関心長向金風一枝在手
嗅藥悲歌雙黛嘔遶臨溪樹對初弦月露下更深

眼兒媚春情

自嘔雙黛聽啼鴉簾外翠烟斜社前風雨已歸燕子
未入人家○鞋兒試着無人看莫是忒寬些想它樓

上閩拈簫管憔悴鶯花

木蘭花慢和谷玉林韻

酒醒人世換碧桃靚海山春任青鳥沈二紫鱗香二
有玉林人宮袍棹頭未愛二荷衣不染市朝塵仙樣
蓬萊翰墨雲間鴛鳳精神○笑呼銀漢入金鯨瓊苑
自由身羨咳唾成章香薰花霧音和韶鈞六丁夜來
捧去便天人也自歎尖新那得金牋飛洒浩歌飛步
蒼旻

李耘叟

名芸子號芳洲昭武人石屏序其
詞最稱賞予懷渺二以下數語

木蘭花慢秋意

占西風早處一番雨一番秋記故國斜陽去年今日
落葉林幽悲歌幾回激烈寄疎狂酒令與詩籌遺恨
清商易改多情紫燕難留○嗟休觸緒蠻絲抽舊事
續何由柰予懷渺二羈愁鬱二歸夢悠二生平不如
老杜便如它飄泊也風流寄語庭柯徑菊甚時得棹
孤舟

連可父

名父道江湖得道之士也十二歲已能
作詩其父携見熊曲肱適有漁父過前
令賦漁父詞曲肱贈以詩且謂此子富貴中甸

不住後果為羽衣多往來西山

清平樂漁父

陣鴻驚處一網沉江渚落葉亂風和細雨撥棹不如
歸去○蘆花輕汎微瀾蓬窓獨自清閑一竟遊仙好
夢任它竹冷松寒

洪叔與

名璫自號空同詞客

月華清春夜對月

花影搖春虫聲吟暮九霄雲幕初捲誰駕冰蟾擁出
桂輪天半素魄映青瑣窓前皓彩散画闌干畔凝眄

見金波晃漾分輝鵲殿○况是風柔夜暖正燕子新
來海棠微綻不似秋光只照離人腸斷恨無奈利鎖
名韉誰為喚舞裙歌扇吟玩怕銅壺催曉玉繩低轉
水龍吟追和晁次膺

經年不見書來後期杳二從誰問梅英蠟小柳枝金
嫩艷陽春近羅幕風柔泛紅浮綠連朝花信念平生
多少情條恨葉鎮長使芳心困○可是風流薄命鏡
臺前鬆二蟬鬢苦桃疑粉薰蘭漲膩翠愁紅損縱使
歸來灯前月下恐難相認卷重簾憔悴殘粧淚洗把
羅襟搵

言選卷十
三
驀山溪 憶中都

潮平風穩行色催津鼓回首望重城但滿眼紅雲紫
霧分香解佩空記小樓東銀燭暗綉簾垂昵 凭肩
語○関山千里垂柳河橋路燕子又歸來但惹得滿
身花雨彩箋不寄蘭夢更無憑灯影下月明中魂斷
金釵股

齊天樂 閨思

輶轡聲破銀床凍霜寒又侵鴛被皓月踈鍾悲風斷
漏驚起画樓人睡銀屏十二歎塵滿絲簧暗消金翠
可恨風流故人迢迢隔千里○相思情緒最苦舊歡

無續處魂夢空費斷鴈無情離鴛有恨空想吳山越
水花樵玉悴但翠黛愁橫紅鉛淚洗待剪江梅倩人
傳此意

菩薩蛮 宿水口

斷虹遠飲橫江水萬山紫翠斜陽裏繫馬短亭西丹
楓明酒旗○浮生長客路事逐孤鴻去又是月黃昏
寒灯入閉門

菩薩蛮 湖上

吳姬壓酒浮紅蟻少年未飲心先醉駐馬綠楊陰酒
樓三月春○相看成一笑遺恨知多少回首欲魂銷

長橋連斷橋

踏莎行 別意

滿二金盃垂二玉筍離歌不放行人去醉中扶上木
蘭船醒來忘却桃源路○帶綰同心釵分一股斷魂
空草高唐賦秋山萬疊水雲深茫二無着相思處

瑞鶴仙 離筵代意

聽梅花吹動涼夜何其明星有爛相看淚如霰問而
今去也何時會面匆二聚散恐便作秋鴻社燕最傷
情夜來枕上斷雲零雨何限○因念人生萬事回首
悲涼都成夢幻芳心繾綣空惆悵巫陽館况船頭一

轉三千餘里隱二高城不見恨無情春水連天片帆
似箭

浪淘沙 別意

花霧漲冥二欲雨還晴薄羅衫子正宜春無奈今宵
鴛帳裏身是行人○別酒不須斟難洗離情絲鞞如
電紫騮鳴腸斷画橋芳草路月曉風清

南柯子 新月

柳浪搖晴沼荷風度晚簷碧天如水印新蟾一罅清
光斜露玉纖二○宝鏡微開匣金鈎半押簾西樓今
夜有人忺應傍粧臺低照画眉尖

永遇樂送春

歌雪徘徊夢雲溶曳欲勸春住薄倖楊花無端杜宇
抵死催教去參差烟岫千回百匝不解禁春歸路病
厭二那堪更聽小樓一夜風雨○金釵鬪草玉盤行
菜往事了無憑據合數松兒分香帕子揔是牽情處
小桃朱戶題詩在否尚憶去年崔護綠陰中鶯二燕
二也應解語

謁金門春晚

風共雨催盡亂紅飛絮百計留春二不住杜鵑聲更
苦○細柳官河狹路幾被婢娟相誤空憶墜鞭遺扇

處碧窻眉語度

菩薩蠻春感

玉琴不療文園病對花長抱深二恨二入鬢霜邊才
情輸少年○蛾眉梳墮馬翠袖薰蘭麝醉夢未全醒
綠窻啼曉鶯

阮郎歸壬辰邵武試灯夕

東風吹破藻池冰晴光開五雲綠情紅意兩逢迎扶
春來遠林○花艷二玉英二羅衣金縷明鬧蛾兒簇
小蜻蜓相呼看試灯

行香子代贈

楚二精神楊柳腰身是風流天上飛瓊凌波微步羅襪生塵有許多嬌許多韻許多情○十年心事兩字眉婚問何時真箇行雲秋衾半冷窓月窺人想為人愁為人瘦為人顰

鷓鴣天 情景

意態婵娟画不如瑩然初日照芙蓉笑指瓊佩遺交甫肯把文梭擲幼輿○花上蝶水中鳧芳心密意兩相於情知不作庭前柳到得秋來日二疎

黃叔暘

名夏號玉林又號花庵

賀新郎 題双溪馮熙之交游風月之樓

倦整摩天翼笑歸來點画亭臺接行泉石落二元龍湖海氣更着高樓百尺收攬盡水光山色曾駕颿車蟾宮去幾回批惜月支風教斯二者慣相識○玲瓏窓戶青紅濕夜深時寒光爽氣洗清肝禹似此交游真洒落判與升堂入室有萬象來為賓客不用笙歌輕點沈看仙翁手搦虹霓筆吟思遠兩峯碧樓對兩峯甚奇

賀新郎 乙巳正月十日双溪携酒遺蛻亭桃花

方開主人浩歌酌客歡甚即席作此

風送行春步漸行。山回路轉入雲深處。問訊花梢
春幾許。半在詩人杖屨點。是祥烟膏露。中有瑤池
千歲種。整嚴粧來作。巢仙侶。相妩媚。試凝竚。○風流
座上。揮談麈。更多情。多才多調。緩歌金縷。趁取芳時
同宴賞。莫惜清樽。緩舉有明月。隨人歸去。從此一春
須一到。願東君長與花為主。泉共石。聞斯語。

賀新郎 菊

莫恨黃花瘦。正千林風霜搖落。暮秋時候。晚節相看
元不惡。米。東籬獨秀。試攬結幽香。盈手幾劫。修來
方得到。與淵明千載為知舊。同冷淡。比蘭友。○紫桑
心事君知否。把人間功名富貴。付之塵垢。不肯折腰
營口腹。一笑歸欵。五柳悵此意。而今安有。若得風流
如此老也。何妨相對無杯酒。詩自可了重九。

賀新郎 梅

自掃梅花下。問梢頭冷蕊。疎。幾時開也。聞者闕焉
今夕矣。多少幽懷欲寫。有誰是。孤山流亞。香月一聯
真絕唱。與詩入千載。為嘉話。餘興味付來者。○清癯
不恋華亭榭。待與君白髮相親。竹籬茅舍。喜甚今年
無酒禁溜。小槽壓蔗。已準擬雪天霜夜。自醉自吟
仍自笑。任解冠落珮。從嘲罵。書此意。寄同社。

木蘭花慢馮雲月玉連環詞後

自沈香夢斷風雨外失餘春悵袍錦淋漓金盞論奏
四海無人蛾眉古來見妬柰昭陽飛燕亦成塵惟有
空梁落月至今能為傳神○神遊八表跨長鯨誰是
再來身愛雲月溪頭玉環一曲筆力千鈞人間不堪
着眼但香名百世尚如新乞我九霞蜚珮梯空共上
秋旻

木蘭花慢乙巳病中

問潘郎兩鬢更禁得幾番秋悵病骨臞幽懷渺
短髮颺雲邊一聲長笛這風情都屬趙家樓歌枕

困尋藥裹熏衣慵訊香篝○悠老矣復焉求何止
賦三休念少日書癡中年酒病晚歲詩愁已攀桂花
作證便從今把筆一齊勾只有烟霞痼疾相陪風月
交游

木蘭花慢懷舊

問春不語謾新綠滿芳洲記歷前遊看花南陌
命酒西樓東風翠紅圍繞把功名一笑付糟丘醉裏
了忘身世吟邊自負風流○風流莫復休白髮
漸盈頭悵十載重來畧無歡意惟有閑愁多情向人
似舊但小桃婀娜柳纖柔望斷殘霞落日水天拍

飛鷗

南柯子 丁酉清明

天上傳新火人間試袂衣定巢新燕覓香泥不為綉
簾朱戶說相思○側帽吹飛絮憑欄送落暉粉痕銷
淡錦書稀怕見山南山北子規啼

南柯子 丙申重九

蘭佩秋風冷茱囊曉露新多情多感怯芳辰強折黃
花來照碧鱗○落帽參軍醉空樽靖節貧世間那
復有斯人目送歸鴻西去一傷神

行香子 梅

寒意方濃暖信才通是晴陽暗拆花封冰霜作骨玉
雪為容看躰清癯香淡竚影朦朧○孤城小驛斷角
殘鍾又無邊散與春風芳心一點幽恨千重任雪霏
雲漠 二月溶

賣花聲 己亥三月一日

鶯蝶太匆 惱殺衰翁牡丹開盡狀元紅俯仰之間
增感槩花事成空○垂柳綠陰中粉絮濛濛 多情多
病轉踈慵不是東風孤負我 負東風

賣花聲 憶舊

秋色滿層霄剪 寒颼一襟殘照兩無聊數盡歸鴉

黃叔暘

詞選卷十

九

入不見落木蕭蕭。○往事欲覓消夢想風標春江綠
漲水平橋側帽停鞭沽酒處柳軟鶯嬌

長相思 秋懷

天悠水悠月印金樞曉未收笛聲入倚樓○蘆
花秋蓼花秋催得吳霜點鬢稠香箋莫寄愁

長相思 秋夜

砧聲齊杵聲齊金井欄邊敗葉飛夜寒烏不棲
風淒露淒影轉梧桐月已西花冠窗外啼

長相思 春晚

惜春歸愛春歸脫了羅衣着苧衣綠陰黃鳥啼○酒

醒時夢醒時清簟疎簾一局碁丁東風馬兒

感皇恩 送饒溪臺游浙

騎鶴上揚州腰纏十萬拈起詩人舊公案看山看水
此去勝遊須徧煩君收拾取歸吟卷○少日風流暮
年蕭散佳處何妨小留款沙河塘上落日綉簾爭捲
也須拂拭起看花眼

蝶戀花 春感

百計留春不住褪粉吹香日催教去心事欲憑
鶯語訴流鶯剗地無憑據○綠玉闌干圍綺戶一點
柔紅應在深處想倚翠簾吹柳絮淺顰惆悵芳期

誤

月照梨花 閨怨

書景方永重簾花影好夢猶酣鶯聲喚醒門外風絮
交飛送春歸○脩蛾画了無人問幾多別恨淚洗殘
粧粉不知郎馬何處烟草萋迷鷓鴣啼

摸魚兒為遺蛻山中桃花作寄馮雲月

問山中小莢開後曾經多少晴雨遙知載酒花邊去
唱我舊歌金縷行樂處正蝶繞蜂圍錦綉迷無路風
光有主想倚杖西阡停杯北望○斷碧雲暮○花知
道應倩蜚鴻寄語年來老子安否一春一到成虛約

不道樹猶如此煩說與但歲二東風粧點紅雲塢劉
郎老去待有日重來同君一笑拈起看花句

水龍吟 贈丁南隣

少年有志封侯弯弓欲挂扶桑外一朝歛縮蕭然清
興了無拘礙袖裏陰符枕中鴻寶功名蟬蛻看舌端
霹靂劇談玄妙人間世疑無對○閨苑醉鄉佳處想
當年綠陰猶在羣仙寄語不須點勘鬼神功罪碧海
千尋赤城萬丈風高浪快待踞龜食蛤相期汗漫與

烟霞會

西河已亥秋作

天似洗殘秋未有寒意何人短笛弄西風數聲壯偉
倚欄感槩展雙眸離_二烟樹如薺○少年事成夢裏
客愁付與流水筆牀茶具老空山未妨肆志世間富
貴要時賢深居宜有餘味○大江東去日西墜想悠
_二千古興廢此地閱人多矣且揮絃寄興氛埃之外
目送蜚鴻歸天際

清平樂宮怨

珠簾寂_二愁背銀缸泣記得少年初選入三十六宮
第一○當時掌上承恩而今冷落長門又是羊車過
也月明花落黃昏

清平樂宮詞

深_二禁籞霽日明鷺羽風動槐龍交翠舞恰_二花陰
亭午○一簾暖絮悠颺金爐旋炷沈香天子方看諫
疏內人休闔新粧

醉江月戲題玉林

玉林何有_二一灣蓮沼數間茅宇斷塹踈籬聊補葺
那得粉墻朱戶禾黍秋風雞豚曉日活脫田家趣客
來茶罷自挑野菜同煮○多少甲第連雲十眉環座
人醉黃金塢回首邯鄲春夢破零落珠歌翠舞得似
衰翁蕭然陋巷長作溪山主紫芝可採更尋岩谷深

處

醉江月夜涼

西風解事爲人間洗盡三庚煩暑一枕新涼宜客夢
飛入藕花深處冰雪襟懷琉璃世界夜氣清如許畫
然長嘯起來秋滿庭戶○應笑楚客才高蘭成愁悴
遺恨傳千古作賦吟詩空自好不直一杯秋露淡月
闌干微雲河漢耿二天催曙此情誰會梧桐葉上踈
雨

浣沙溪醮壇

鍾磬玲二夜未央梨花庭院月如霜步虛聲裏拜瑤

章一紫極清都雲渺二紅塵濁世事茫二未知誰有

返菟香

鷓鴣天暮春

沈水香銷夢半醒斜陽恰照竹間亭戲臨小草書團
扇自揀殘花插淨瓶○鶯宛轉燕丁寧晴波不動晚
山青玉人只怨春歸去不道槐雲綠滿庭

鷓鴣天張園作

雨過芙蕖葉二涼摩挲短髮照橫塘一行歸鷺拖秋
色幾樹鳴蟬餞夕陽○花側畔柳旁相微雲澹月又
昏黃風流不在談鋒勝袖手無言味最長

秦樓月 秋夕

心如結西風老盡黃花節黃花節寒鴻聲斷冷烟淒
月○漢朝陵廟唐宮闕興衰萬變從誰說從誰說千
年青史幾人華髮

重疊金 壬寅立秋

西風半夜驚羅扇蛩聲入夢傳幽怨碧藕試初涼露
痕啼粉香○清水凝簾竹不許雙鴛宿又是五更鐘
鴉啼金井桐

重疊金 冬

南山未解松梢雪西山已挂梅梢月說侶王林入

間無此清○此身元是客小住娛今夕拍手凭闌干
霜風吹鬢寒

重疊金 除日立春

銀幡綵勝參差剪東風吹上釵頭燕一笑繞花身小
桃先報春○新春今日是明日新年至擘繭莫探官
人間行路難

謁金門 初春

花事淺方費化工勻染墻角紅梅開未遍小桃才數
點○人在暮寒庭院閑續茶經香傳酒思如水詩思
嬾雨聲簾不捲

南鄉子 夏夜

多病帶圍寬未到衰年已鮮歡夢破小樓風馬響珊
二缺月無情轉画欄口涼入苧衾單起探灯花夜欲
闌書冊滿床空伴睡慵觀拈得漁樵笛譜看

南鄉子 夜景

萬籟寂無 衾鐵稜 二近五更香断灯昏吟未穩淒
清只有霜華伴月明口應是夜寒凝惱得梅花睡不
成我念梅花 二念我閑情起看清冰滿玉餅

花發沁園春 芍藥會上

曉燕傳情午鶯喧夢起來檢校芳事荼蘼褪雪楊柳
吹綿迤邐麥秋天氣翻階傍砌看芍藥新粧嬌媚正
鳳紫勻染綃裳猩紅輕透羅袂口晝暖朱闌困倚是
天姿妖嬈不減姚魏隨蜂惹粉趁蝶棲香引動少年
情味花濃酒美人正在翠紅圍裏問誰是第一風流
折花簪向雲髻

阮郎歸 倣姜堯章躰

粉香吹暖透單衣金泥雙鳳飛閑來花下立多時春
風酒醒遲口桃葉曲柳枝詞芳心空自知湘臯月冷
佩聲微鴈歸人不歸

鵲橋仙

青林雨歇珠簾風細入在綠陰庭院夜來能有幾多
寒已瘦了梨花一半○宝釵無據玉琴難托合造一
襟幽怨雲窓霧閣事茫茫 試與問杏梁雙燕

玉林此編亦姑据家藏文集之所有朋游聞見之所傳詞之妙者固不止此嗣有所得當續刊之若其序次亦隨得本之先後非固為之高下也其間體制不同無非英妙傑特之作 觀者其詳之

中興以來絕妙詞選卷之十

萬曆二年七月既望
龍丘桐源舒氏伯明
新雕梁溪寓舍印行

